

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u skladu sa Programom utroška budžetskih sredstava u 2014. godini, usvojen Zaključkom Vlade Zeničko-dobojskog kantona, na prijedlog Ministarstva za privredu, Vlada Zeničko-dobojskog kantona, na 149. sjednici, održanoj dana 12.02.2014. godine, d o n o s i

## ZAKLJUČAK

### I.

Usvaja se Uputstvo o postupcima i kriterijima za odobravanje i dodjelu (refundiranje) sredstva poticaja namijenjenih subvencioniranju administrativnih troškova kod izgradnje proizvodnih objekata, koji čini sastavni dio ovog Zaključka.

### II.

Za realizaciju poticaja iz tačke I zadužuje se Ministarstvo za privredu, koje će donijeti sve provedbene akte i imenovati komisiju za provođenje propisanog postupka.

### III.

Zaključak stupa na snagu danom donošenja.

Broj: 02-\_\_\_\_\_/14.

Datum, 12.02.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za privredu,

1x Ministarstvo finansija,

1x a/a.



**UPUTSTVO O POSTUPCIMA I KRITERIJIMA  
ZA ODOBRAVANJE I DODJELU (REFUNDIRANJE) SREDSTAVA POTICAJA  
NAMIJENJENIH SUBVENCIONIRANJU ADMINISTRATIVNIH TROŠKOVA  
KOD IZGRADNJE PROIZVODNIH OBJEKATA**

Zenica, februar 2014. godine

## **1. IZVORI I NAMJENA POTICAJNIH SREDSTAVA**

Sredstva za subvencioniranje administrativnih troškova kod izgradnje proizvodnih objekata obezbjeđuju se Budžetom Zeničko-dobojskog kantona i planiraju Programom utroška sredstava u Ministarstvu privrede, za tekuću godinu u kojoj se vrši dodjela poticaja, te odgovarajućom odlukom za svakog podnosioca zahtjeva pojedinačno.

Radi obavještanja korisnika o mogućnostima dobivanja sredstava poticaja informacija se objavljuje u sredstvima javnog informiranja u formi Javnog poziva za dodjelu poticajnih sredstava i na oficijelnoj web stranici Vlade Kantona.

U cilju intenziviranja investicija u područje proizvodnih djelatnosti i smanjenja administrativnih troškova, a samim tim zapošljavanja i razvoja, Vlada Kantona će subvencionirati dio sljedećih troškova investitora:

1. Naknade za građevinsko zemljište
2. Naknade za pretvaranje poljoprivrednog u građevinsko zemljište
3. Priključne takse (vodosnabdijevanje, električna energija, grijanje, plin, telefon i dr.),
4. Administrativne, sudske i druge takse i
5. Naknade za rad komisija.

## **2. PROIZVODNI OBJEKAT I KORISNIK SREDSTAVA**

Pod proizvodnim objektom, u duhu ovih Kriterija, podrazumijeva se građevina (hala-građevina sa krovom i zidovima) minimalne površine tlocrta od 200 m<sup>2</sup>, sagrađena sa namjenom i u svrhu realizacije proizvodnog programa iz područja djelatnosti C ili D-Prerađivačka industrija (Standardna klasifikacija djelatnost) za koju je investitor-korisnik poticajnih sredstava obezbijedio upotrebnu dozvolu prema Zakonu o građenju.

Korisnici sredstava su privredni subjekti registrirani u Zeničko-dobojskom kantonu koji proizvodni objekt grade na području Zeničko-dobojskog kantona.

Pod privrednim subjektima u smislu prethodnog stava podrazumijevaju se pravni subjekti-privredna društva, subjekti iz proizvodnih obrtničkih djelatnosti (ne kao dopunska djelatnost) i subjekti registrirani u okvirima djelatnosti fizičkih lica, registrovanih najmanje jednu godinu.

Pravo na korištenje poticaja ima privredni subjekt koji u postupku legalizacije bespravno izgrađenih proizvodnih objekata na osnovu Zakona o izmjenama i dopunama Zakona o građenju, (po usvajanju) obezbijedi Rješenje o upotrebi građevine.

Pravo ne korištenje poticaja nema privredni subjekt koji izgrađeni objekat iznajmi drugom subjektu radi obavljanja proizvodne djelatnosti.

Jedno pravno ili fizičko lice ne može biti korisnik više od jednog poticaja Ministarstva za privredu u tekućoj budžetskoj godini.

### 3. IZNOS POTICAJNIH SREDSTAVA

Vlada Kantona preuzima finansiranje, odnosno refundaciju dijela ukupnih troškova nastalih po osnovi plaćanja različitih administrativnih troškova kod realizacije investicije, a specificiranih u okviru tačke 1.

Investitoru će se nakon uredne aplikacije i procedure odlučivanja odobriti sredstva u jednokratnom iznosu koji se dobije prema sljedećoj tabeli:

<b>Minimalna površina objekta u tlocrtu /u m<sup>2</sup>/</b>	<b>Iznos sredstava poticaja /u KM/</b>	<b>Umanjenje poticajnih sredstava za legalizirane objekte /%/</b>
201	8.000,00	5
250	10.000,00	5
300	12.000,00	5
400	16.000,00	10
500	20.000,00	10
600	24.000,00	20
800	28.000,00	20
1.000	32.000,00	30
1.250	36.000,00	30
1.500	40.000,00	40
2.000 i više	50.000,00	40

Maksimalni iznos koji se može odobriti i isplatiti korisniku sredstava iz ovog programa poticaja je 50.000 KM. Sredstva su u ovom iznosu limitirana na navedeni maksimalni iznos po više osnova:

- po jednom subjektu - korisniku
- po jednom projektu - upotrebnoj dozvoli
- u okviru jedne godine dana.

### 4. ZAHTJEV ZA ODOBRAVANJE POTICAJNIH SREDSTAVA

Uredan Zahtjev za odobravanje sredstava investitor dostavlja Ministarstvu za privredu.

Uz zahtjev, investitor dostavlja sljedeće priloge:

- Original ili ovjerenu kopiju Odobrenja za obavljanje proizvodnje djelatnosti, ili odgovarajući akt nadležnog inspekcijuskog organa,
- Original ili ovjerenu kopiju Odobrenja za građenje izdatog od nadležnog organa;
- Original ili ovjerenu kopiju Odobrenja za upotrebu proizvodnog objekta, izdatog od nadležnog organa, a nakon 01.01.2012. godine
- Original ili ovjerene kopije Uvjerenja o uredno izmirenim javnim prihodima– ne starija od 60 dana u odnosu na dan podnošenja zahtjeva,
- Original ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona.
- Uvjerenje Komercijalne banke da je žiro račun izvoznika aktivan, ne starije od 60 dana u odnosu na dan podnošenja zahtjeva;

- Original ovjerene kopije Uvjerenja o uredno izmirenim indirektnim porezima – ne starija od 60 dana u odnosu na dan podnošenja zahtjeva,

Odobrenjem za upotrebu proizvodnog objekta i drugim dokazima iz prethodnog stava ne smatra se akt bilo kakvog privremenog ili uvjetnog karaktera već isključivo važeći akt trajne naravi čiju validnost je po službenoj dužnosti moguće provjeriti kod nadležnog organa.

Zahtjevi će biti zaprimani do kraja novembra tekuće godine.

## **5. KOMISIJSKA OCJENA I NEGATIVNO RJEŠENJE**

Komisiju za ocjenu ispunjenja uvjeta i kriterija za dodjelu poticajnih sredstava imenuje i razrješava ministar u Ministarstvu za privredu. Za svoj rad ova komisija odgovara ministru Ministarstva za privredu.

Komisija razmatra Zahtjeve investitora poštujući hronologiju prijema ovih akata u protokolu prijernih akata Ministarstva, odnosno Vlade Kantona, te cijeni ispunjenost uslova i kriterija za odobravanje sredstava.

Izveštaj o ocjeni i mišljenju, Komisija dostavlja ministru Ministarstva za privredu.

U slučaju da Komisija ocijeni da nisu ispunjeni svi uslovi za odobravanje sredstava ona predlaže a Ministarstvo za privredu, kod neispunjenja uvjeta i kriterija, donosi Obavještenje o odbijanju zahtjeva podnositelja.

## **6. POSTUPAK ODOBRAVANJA**

Na osnovu Izveštaja o ocjeni i mišljenja Komisije, Ministarstvo za privredu predlaže Vladi Kantona donošenje Odluke o odobravanju poticajnih sredstava. Pojedinačne odluke Vlada donosi shodno raspoloživim sredstvima za tekuću godinu, a prednost u odobravanju sredstava poticaja ima onaj korisnik koji je ranije podnio zahtjev za koji je utvrđeno da ima ispunjene uvjete i zadovoljava kriterije dodjele.

Ukoliko se prije isteka budžetske godine utvrdi da raspoloživa budžetska sredstva nisu dovoljna, dio zahtjeva se, može prenijeti u narednu godinu i u tom slučaju rješava se u skladu sa mogućnostima i kriterijima koji budu usvojeni i važeći za tu godinu.

Na početku sveke godine Vlada Kantona odlučuje o nastavku dodjele ovih poticaja općenito, shodno projekciji budžetskih rashoda za tekuću godinu, o čemu donosi Zaključak o usvajanju Programa utroška sredstava u Ministarstvu za privredu.

## **7. REFUNDACIJA SREDSTAVA - REALIZACIJA POTICAJA**

Na osnovu Odluke o odobravanju sredstava Ministarstvo za privredu podnosi Nalog za isplatu sredstava Ministarstvu finansija.

## **8. RANIJE VAŽEĆI AKTI, KRITERIJI I POSTUPCI**

Ovim aktom stavljaju se van snage i prestaju vrijediti svi raniji akti kojima su propisivani prethodno važeći kriteriji i postupci te utvrđivane nadležnosti u odobravanju i realizaciji ovog Vladinog programa poticaja.